

M523: Hugo von Konstanz: Predigten

- 133r,1 dise predige tet uns bruoder
133r,2 Hugo der lesemeister von Konstanze
133r,3 von dem lieben unde
133r,4 dem guoten sancte Johannes
133r,5 êwangeliste .
133r,6 – – – –
133r,7 – . dô nû got
133r,8 alliu dinc geschuof . dô geschuof er
133r,9 ein iegelich dinc alsô . daz ez vruht
133r,10 bræhte nâch sînen geslehte . unde dâ
133r,11 von dô wolte got mennische werden .
133r,12 daz er unser mennischlîchen natûre
- 133v,1 zûge . in sîne gotelîchen natûre .
133v,2 daz sîn mennischlîchiu natûre vruht
133v,3 bræhte nâch gotelîchem geslehte .
133v,4 daz êrste werc daz got ie geworhte
133v,5 nâch gotelîchem geslehte . daz waz
133v,6 daz unse vrouwe von himelrîche muoter
133v,7 wart unde doch maget was
133v,8 wan si was ganz unde lûter an rehter
133v,9 reinicheit unde was doch muoter
133v,10 diz muose ein gotelich werc sîn .
133v,11 unde diz gotelich werc wart geworht
133v,12 an den geburtlîchen tage unsers
133v,13 hêrren . ze den andern mâle dô
- 134r,1 wart uns der himel ûf getân .
134r,2 ze dem dritten mâle dô wart ein
134r,3 mennische geladet ze der himelischen
134r,4 wirtschaft . ze dem vierden mâle
134r,5 dô sante diu kristenheit ein kleinôte
134r,6 von den ertrîche ûf in den himel .
134r,7 ze . [5.] . mâle dô got diz kleinôte
134r,8 gesach . dô sante er eine krône
134r,9 von den himel her abe ûf daz
134r,10 ertrîche . dâr umbe hât nû diu
134r,11 kristenheit sancte Stephanes tac

- 134r,12 geleit zuo disem hôchgezîte . daz
134r,13 hât si dâr umbe . daz uns allen
- 134v,1 der himel wart ûf getân mit
134v,2 der geburt unsers hêrren . also sancte
134v,3 Stephanen der himel wart ûf getân .
134v,4 dô er stuont in sîner marter .
134v,5 an dem dritten tage sô begât man
134v,6 sancte Johannis tac . wan in unser hêrre
134v,7 selbe ladete mit sînen brüedern ze
134v,8 der himelischen wirtschaft . unde
134v,9 erschein ime vore . in gotelîcher unde
134v,10 in mennischlîcher natûre . dô er dannoch
134v,11 was in tôtlichem bilede . unde sprach
134v,12 zuo ime . “kum her mîn lieber unde
134v,13 mîn geminneter . wan ez ist zît
- 135r,1 daz dû wirtschaft habest mit
135r,2 mir . unde mit dînen lieben
135r,3 brüedern .” dâ von ist sîn tac geleit
135r,4 zuo dem geburtlîchen tage
135r,5 unsers hêrren . wan wir sîn alle
135r,6 geladet mit der geburt unsers hêrren .
135r,7 ze der himelischen wirtschaft .
135r,8 an den vierden tage . sô begât
135r,9 man der kindelîne tage . die ire
135r,10 bluot guzzen unschuldîche
135r,11 vûre unsern hêrren . daz was daz kleinôte
135r,12 daz diu kristenheit sante von
135r,13 dem ertrîche ûf in daz himelrîche
- 135v,1 diz kleinôte bediutet unseriu guoten
135v,2 werc die diu kristenheit sendet
135v,3 alle zît vûre den almehtigen got .
135v,4 an dem vûnften tage sô begât
135v,5 man sancte – tac der die marter
135v,6 unschuldîche leit durh den
135v,7 namen unsers hêrren . dâr umbe
135v,8 sante im got ein krône von den
135v,9 himelrîche her abe . bî dirre krône
135v,10 ist bediutet der lôn . den uns
135v,11 got wile geben umbe unseriu guoten
135v,12 werc . unde dâr umbe hæte man
135v,13 diz heiligen tac geleit zuo dem
- 136r,1 geburtlichem tage unsers hêrren .
136r,2 wan alliu unseriu guoten
136r,3 werc vruhtbær sint worden von

136r,4 der geburt unsers hêren . “–
136r,5 – – – – .
136r,6 sehent alle her . ich predîn iu
136r,7 ein grôze vrôuwede daz uns geboren
136r,8 ist ein behaltær in der stat Dâvides .”
136r,9 dise predige tet der engel
136r,10 den hirtên die ire sweige hûeteten
136r,11 ûf dem velde in der naht
136r,12 dô got geboren wart . wâr umbe
136r,13 prediget dirre hôhe predigær

136v,1 dise vroelîchen mæren den huotærn
136v,2 vûren alle ander liute . daz tet er dâr
136v,3 umbe daz er uns dâ mite lêrte
136v,4 daz wir alle hûetær sulen sîn .
136v,5 wan ez ist enhein mennische ime
136v,6 sî ein sweige bevolhen . daz sint
136v,7 die . vûn . sinne der ez hûeten sol .
136v,8 nû hât uns got ze hûetærn gesetzet
136v,9 über alliu dinc diu ûf dem
136v,10 ertrîche sint daz wir hûetær sulen
136v,11 sîn der dinge diu under uns sint . unde
136v,12 der dinge diu neben uns sint unde
136v,13 der dinge diu in uns sint . unde der

137r,1 dinge diu ob uns sint . wie sulen wir
137r,2 nû hûeten der dinge diu under uns
137r,3 sint . daz lêrte uns unser hêre selbe
137r,4 dô er ûf ertrîche was . dâ mite .
137r,5 daz er lebete mit armuot unde mit
137r,6 versmæhede unde mit grôzen gebrestenen .
137r,7 unde daz er under sîne vûeze
137r,8 trat alle crêatiure . unde alle wûnne
137r,9 dirre werelte . die er doch wole mohte
137r,10 hân gehebet âne sînen schaden .
137r,11 wan daz er ez dâr umbe tet . daz er
137r,12 uns ein biledær wære . daz wir an
137r,13 ime lerneten . daz wir versmâhen

137v,1 konden alle wolnus unde êre dirre
137v,2 werelte . nû sprichet ein meister
137v,3 daz zweier hande berüerunge
137v,4 sîn . diu eine diu verwandelet in
137v,5 sich diu dinc diu si berüert . diu ander
137v,6 berüeret unde verwandelet niut in sich
137v,7 diu êrste berüerde diu dâ in sich verwandelet
137v,8 daz ist daz viur . sô daz daz holz berüert
137v,9 sô wirdet daz holz verwandelet

- 137v,10 in daz viur . daz ist . swelich mennische sîn
 137v,11 herze unde sîn gemüete an üppigiu unde an
 137v,12 irdenischiu dinc lât . alsô daz er ez mê
 137v,13 minnet denne got . sô wirdet er in

 138r,1 siu verwandelet . diu ander berüerde
 138r,2 ist alsô daz mîn hant berüert
 138r,3 daz holz oder ein ander dinc sô wirdet
 138r,4 einwederz verwandelet in daz
 138r,5 ander . alsô sulen wir alliu zergancliche
 138r,6 dinc berüeren unde niezen
 138r,7 alsô . daz unser minne niet in siu verwandelet
 138r,8 werde . ze dem andern
 138r,9 mâle sô sulen wir hûeten der dinge
 138r,10 diu neben uns sint . daz ist mîn bruoder
 138r,11 unde mîn ebenmennische . den sol
 138r,12 ich minnicliche lêren in der gemeinede
 138r,13 unde minnicliche berespen

 138v,1 in der heimeliche . unde minnicliche kestigen
 138v,2 in dem kapitel . wan diu
 138v,3 minne sol gân von dem herzen in
 138v,4 diu wort . unde von dem worte in die
 138v,5 hant . von der hant in die ruote . von
 138v,6 der ruote ûf den rûggen . von den rûggen
 138v,7 in daz herze . ze dem dritten mâle
 138v,8 sulen wir hûeten der dinge diu in uns
 138v,9 sint . daz ist daz herze . wan sancte Bernhart
 138v,10 spricht . “mennische hûete dînes
 138v,11 herzen wan dâr an lît allez dîn geistlich
 138v,12 leben . wan unser herze sol aleine
 138v,13 bekumbert sîn mit gote . alsô

 139r,1 daz wir in minnen sulen ob allen dingen
 139r,2 unde vûre alliu dinc . unde nâch
 139r,3 ime alliu dinc . bescheidenlich .” aber
 139r,4 unser trôst sol aleine an gote ligen .
 139r,5 des vinden wir eine bîschaft an
 139r,6 sancte – Magdalênen . dô si unsern
 139r,7 hêrren suochte in dem grabe unde dô si
 139r,8 sîn niet vant dô weinete si . nû
 139r,9 entwurte ir ein heilige unde spricht
 139r,10 “vrouwe waz weines dû . dû suochtest
 139r,11 einen tôten unde hâst lebende vunden .
 139r,12 dû suochtest einen mennischen
 139r,13 unde hâst engel vunden . unde suochtest

 139v,1 einen unde hâst zwêne vunden .” nû

139v,2 entwürtete dirre heilige ime selber
139v,3 an dirre vrouwen stat . unde sprichet
139v,4 ich suoche niet einen tôten noch der
139v,5 engel . ich suoche den der mich geschuof
139v,6 unde die engel unde von dem alliu
139v,7 dinc ire leben hânt . der ist aleine
139v,8 ein süezer trôst mînes herzen
139v,9 unde mîner sêle . unde alle die wîle
139v,10 ich den niet vunden hân sô sint
139v,11 mir alle trôste ein mazleide . ze
139v,12 dem vierden mâle sô sulen wir hüeten
139v,13 der dinge diu ob uns sint . daz sint

140r,1 tugende . nû hân ich iu geseit
140r,2 daz der engel predîte den huotærn .
140r,3 dô was der liebe sancte Johannes ein
140r,4 hûetær unsers hêrren . wan er
140r,5 hât ime grôzen schatz entvolhen
140r,6 nû entvilhet man gerne grôzen
140r,7 unde getriuwen liuten grôze schetze
140r,8 der grôzeste schatz der ie wart . daz
140r,9 ist tugende . die entvalh er ime sunderlîche
140r,10 unde ûzgenomenlîche alsô
140r,11 daz er siu in ire edele unde ire wirdicheit
140r,12 behielt als si got in îngegozzen
140r,13 hât . daz er ime grôzen schatz

140v,1 entvolhen habe . daz merken wir
140v,2 an siben dingn bî dem êrsten
140v,3 daz er ime entvalh sunderlîche unde ûzgenomen
140v,4 genâde . daz bewæret
140v,5 uns sîn name . wan Johannes daz sprichet
140v,6 “gotes genâde . daz ist daz er gevüllet
140v,7 wart mit gotelîcher unde volkomener
140v,8 genâde an allen sîneme lebene .”
140v,9 der ander schatz ist sîn
140v,10 lûteriu unde ûzgenomeniu reinicheit
140v,11 die er hâte an sêle unde an lîbe
140v,12 der dritte schatz ist sîn süeze unde
140v,13 sîn volkomeniu minne der . [4.] .

141r,1 schatz ist sîn hôhiu wîsheit der . [5.] .
141r,2 schatz ist diu vruht daz er mit sîner
141r,3 lêre alle die kristenheit vruhtbær
141r,4 hæte gemachet der . [6.] . schatz ist daz
141r,5 ime der segen entvolhen wart . daz
141r,6 was unse vrouwe von himelrîche in
141r,7 der alle segen unde alliu sælicheit beslozen

141r,8 was . der . [7.] . schatz ist daz daz
141r,9 himelrîche unde alliu wünne in ime beslozzē
141r,10 was . daz wile ich allez abe
141r,11 lân . unde wile iu sagen wâ von der
141r,12 guote sancte Johannes einen iegelîchen
141r,13 mennischen süeze unde minniclich

141v,1 muoz sîn in sînen herzen . daz ist von . siben .
141v,2 sachen diu êrste sache ist daz in got
141v,3 mê minnet danne die anderen .
141v,4 sît in nû got mê geminnet hât
141v,5 mit ûzgenomener minne vûre alle
141v,6 ander heiligen . sô ist daz billich
141v,7 daz in ein iegelich kristenmennische
141v,8 mê minne denne ander heiligen .
141v,9 wan mîn natûre dwinget mich dâr
141v,10 zuoe . den mîn vater unde mîn muoter
141v,11 minnet den muoz ich mê minnen
141v,12 denne ein andern mennischen . wan
141v,13 nû unser hêrre unser vater ist . unde

142r,1 wir in minnen sulen ob allen dingen
142r,2 sô ist daz billich sît er den lieben sancte
142r,3 Johannes mit sunderlîcher unde grôzer minne
142r,4 geminnet hât . dâ von muoz
142r,5 daz sîn . daz er einen iegelîchen mennischen
142r,6 süeze unde minniclich sî in
142r,7 sînen herzen . mê danne dechein heilige .
142r,8 daz ander ist dâ von er uns
142r,9 süeze unde minniclich sol sîn mê denne
142r,10 dechein heilige . daz ist von der
142r,11 grôzen minne die er ze uns hât
142r,12 mê danne die andern . des vinden
142r,13 wir ein urkûnde an sînen

142v,1 buochen . wan er hât driu grôziu
142v,2 buoch geschriben . unde ist nechein blat
142v,3 er mane uns dâr an . daz wir einander
142v,4 minneten . unde sprichet . “kint
142v,5 mîniu minnet einanderiu unde hânt
142v,6 einanderiu lieb .” also vol was sîn herze
142v,7 grôzer minne gegen uns . daz er
142v,8 sich niet enthalten mohte er müese
142v,9 diz wort also dicke sprechen .
142v,10 nû prediget der sælige bâbest Lêo von
142v,11 disem minniclîchen heiligen unde
142v,12 sprach daz sîn herze rehte wære als ein
142v,13 glüejigez kamîne dâ daz viur allenhalben

143r,1 ûz slehet . alsô ist von sînen
143r,2 glüejenten herzen ûz geslagen daz viur
143r,3 der brinnenten minne unde hæte
143r,4 alle die werelt entzündet mit sîner
143r,5 minne . daz dritte dâ von wir in
143r,6 sunderlîche minnen sulen . daz ist von der
143r,7 grôzen heimelîche die got ze eineme
143r,8 hatte . wan wir vinden niet . daz dechein
143r,9 heilige alse nâch zuo gote gevüezet
143r,10 werde mit rehter heimelîche
143r,11 alse der liebe sancte Johannes . nû sprichet
143r,12 ein meister . daz man allermeiste
143r,13 loben sol diu hôhesten dinc

143v,1 unde dâr nâch diu mitteln dinc . unde
143v,2 dâr nâch diu undern dinc . welichez
143v,3 sint nû diu hôhesten dinc . daz
143v,4 ist der schepfær aller dinge den
143v,5 sulen wir loben unde êren ob allen dingen .
143v,6 dâr nâch diu dinc diu ime allernæheste
143v,7 zuoe gevüezet sint . alse
143v,8 unse vrouwe von himelrîche diu reine
143v,9 maget . von der er sîn mennischlîchen
143v,10 natûre nam . dâ von ist si ime
143v,11 allernæheste zuoe gevüezet . dâ von
143v,12 ist billich daz wir si allermeiste
143v,13 loben unde êren . unde daz heilige kriuze

144r,1 daz alse nâhe zuo gote gevüezet wart
144r,2 an den tage dô er dâr an hienc unde
144r,3 erworhte aller mennischen heil .
144r,4 wâr umbe sol man nû daz heilige
144r,5 kriuze mê êren danne die steine dâ
144r,6 er ûf trat . dâ worhte er sunderlich
144r,7 unser heil mê dâr an . denne an
144r,8 den steinen . unde nâch dem heiligen kriuze
144r,9 sô sol man allermeiste loben unde êren
144r,10 die heiligen unde sunderlîche den
144r,11 heiligen der gote allernæheste zuoe
144r,12 gevüezet ist . daz ist der guote sancte
144r,13 Johannes . ime mahten wole ander heiligen

144v,1 heimelich sîn . wir lesen aber
144v,2 niet daz ime ie dechein heilige alse
144v,3 heimelich wurde als er . sît nû daz billich
144v,4 ist daz man unser vrouwen die
144v,5 werden küniginne unde daz heilige

- 144v,6 kriuze êren sol ob allen dingen nâch
144v,7 gote . dâr umbe daz siu gote allernæheste
144v,8 zuo gevüezet wurden . sô
144v,9 ist daz billich daz man den lieben
144v,10 sancte Johannes êwangeliste loben unde
144v,11 êren sol ob allen heiligen . wan er
144v,12 nâhe zuo gote gevüezet was mit
144v,13 rehter heimelîche mê danne dechein
- 145r,1 heilige . daz merken wir dâ bî . dô
145r,2 unser hêrre mit sînen jungeren ze
145r,3 – saz vore sîner marter .
145r,4 dô nam er sancte Johannes unde neigete
145r,5 in alsô lieplîche unde alsô minniclîche
145r,6 ûfen sîne brust . unde liez in dâ ruowen
145r,7 ûf sînen herzen . unde ûzer disem minniclîchen
145r,8 herzen daz dâ ist ein tieferez
145r,9 apgründe aller wîsheit . dâ transc
145r,10 er die gotelîchen wîsheit . nû sprichet
145r,11 ein heilige daz von Adâmes rippe
145r,12 vlôz ein wazzer . daz ertrankte alle
145r,13 die werelt . daz rippe daz von Adâme genomen
- 145v,1 wart . dâ von wart ein
145v,2 vrouwe gemacht . unde von der vrouwen
145v,3 ungehørsame dô wart ein vluoch
145v,4 gegeben über alle die werelt . unde
145v,5 von den vluoche dô wart alliu diu
145v,6 werelt versenket . nû ist uns ein
145v,7 ander wazzer gevlozen von dem
145v,8 rippe unsers hêrren . unde von disen
145v,9 lebenten wazzer transc der guote sancte
145v,10 Johannes die gotelîchen lère . die er ûz
145v,11 gôz in alle die werelt . wan daz die
145v,12 andern jungern lerneten in dem
145v,13 lufte von dem worte unsers hêrren
- 146r,1 daz lernete der liebe sancte Johannes
146r,2 von den gotelîchen herzen unsers hêrren .
146r,3 daz er
146r,4 tiefere hæte geredet von
146r,5 der goteheit danne ie dechein heilige .
146r,6 wan sancte Augustinus der sprichet .
146r,7 daz diu goteheit der kristenheit
146r,8 iemermêre verborgen
146r,9 müese
146r,10 sîn gewesen . wan daz si der guote
146r,11 sancte Johannes offen hât gemacht

- 146r,12 mit sîner lêre . aller der kristenheit
146r,13 wan dirre êwangeliste ist der
146r,14 vier wazzer einez diu dâ vliezent
146r,15 ûz dem paradîse . wan er hât die
- 146v,1 genâde gotes wortes gegozen umbe
146v,2 den umbekreiz aller der werelte
146v,3 daz vierde ist . dâ von uns der liebe
146v,4 sancte Johannes minniclich muoz
146v,5 sîn . diu gotelich vruht . disiu vruht daz
146v,6 ist diu heilige marter unsers hêrren
146v,7 wan von der marter unsers hêrren
146v,8 sint alliu dinc vruhtbær worden
146v,9 unde wider brâht . wan si ist daz nützeste
146v,11 unde daz vruhtbærste dâ mite der
146v,12 mennische mac umbe gân . dô nû
146v,13 der liebe sancte Johannes under dem kriuze
146v,14 stuont . dô druhte got sîne marter
- 147r,1 in sîn herze unde in sêle . unde sigelte si in
147r,2 alsô daz alle sîne werc unde alliu sîn
147r,3 lêre vruhtbær wart der heiligen
147r,4 kristenheit . daz . vünft . ist dâ von
147r,5 uns der guote sancte Johannes süeze unde minniclich
147r,6 sol sîn vüre alle heiligen .
147r,7 daz ist daz unse vrouwe von himelrîche
147r,8 sîn muoter wart nû merket wede
147r,9 des engels wort grôzer was oder gotes
147r,10 wort . wan unse vrouwe wart
147r,11 unsers hêrren muoter von des engels
147r,12 worte . unde sancte Johannis muoter mit gotes
147r,13 worte nû was diz wort vile grôzer
- 147v,1 dâ von sancte Johannes unser vrouwen
147v,2 sun wart danne des engels dâ von
147v,3 si gotes muoter wart . wan dô unser
147v,4 hêrre an dem kriuze stuont . unde unse vrouwe
147v,5 bî ime stuont unde sancte Johannes . dô sprach
147v,6 unser hêrre “sich muoter wâ nû dîn sun .” unde disiu
147v,7 wort unde diu marter ire lieben kindes
147v,8 diu sniten durh ire herze unde durh ire sêle
147v,9 alse ein swert dâ von was er ire lieber
147v,10 sun . wan si in mit bittericheit
147v,11 unde mit arbeiten gewan . unse vrouwe
147v,12 diu gewan unsern hêrren mit
147v,13 wünne unde mit vröuwede aber sancte
- 148r,1 Johannes den gewan si mit bittericheit

148r,2 ire herzen unde ire sêle . dâ von
148r,3 sprichet ein meister . daz diu dinc
148r,4 diu mit arbeiten unde mit bittericheit
148r,5 gewonnen werdent daz diu vile lieber
148r,6 sint . danne diu man niet alse wole
148r,7 gearnet alsus was sancte Johannes unser
148r,8 vrouwen sun mit gotes worte . unde
148r,9 ire liebe sun wan sie in wole erarnet
148r,10 hæte . unde was ire erbe wan er
148r,11 hâte alle genâde unde alle tugende
148r,12 von ir geerbet . nû hæte unser
148r,13 hêrre den lieben sancte Johannes erwelt

148v,1 vüre alliu mennischen diu got ie geschuof .
148v,2 daz er ime sîn lieben muoter
148v,3 bevelhe in sîn pflege unde in
148v,4 sîne huote . ach liebe hêrre sancte Johannes
148v,5 dû hâtest die vrouwen in
148v,6 dîneme hûse an der alliu wîssagunge
148v,7 volbrâht wart . unde in der der
148v,8 êwige segen beslozen was unde
148v,9 diu ein anevanc was aller sælicheit .
148v,10 ach wie sælic dû nû würde
148v,11 von der heilicheit der reinen megede .
148v,12 wan swer ir heimelich was
148v,13 der müese deste sæliger sîn . sît

149r,1 nû sancte Johannes unser vrouwen herzlich
149r,2 lieb was . wan er ire sun was
149r,3 sô en darf sich enhein mennische beschamen
149r,4 er ne sî ime ouch sunderlich
149r,5 unde von herzen lieb vüre ander heiligen
149r,6 daz sehste . ist dâ von in ein iegelich
149r,7 mennische minnen muoz . daz ist
149r,8 sîn sêle unde sîn lîp mit allen tugenden
149r,9 zesamen geleit was . wan
149r,10 ein heiden der sprichet daz des mannes
149r,11 lîp der mit tugenden zesamen
149r,12 geleit ist . daz die gote niet gelîden
149r,13 mügen daz er dechein arbeit habe .

149v,1 wan nû sancte Johannes alsus durchgozen
149v,2 was mit allen tugenden .
149v,3 dâ von was er alsô süeze unde alsô
149v,4 minniclich . nû sante der guote
149v,5 sancte – . dem lieben sancte
149v,6 Johannes einen briev unde gruozte in
149v,7 dâr an unde sprach . “got grüeze

149v,8 dich heiligiu unde minniclîchiu sêle”
149v,9 über diz wort sprichet Lêô –
149v,10 daz sancte Johannes alle die werelt in sînere
149v,11 minne habe beslozen . wan
149v,12 er nû ervüllet was mit allen tugenden
149v,13 unde suoze unde minnicliche

150r,1 dâ von schônen sîn driu dinc
150r,2 diu nie niemanndes wolten geschônen .
150r,3 daz êrste dâ mite sîn unser
150r,4 hêrre schônete . daz was dô ime der
150r,5 keiser die gift gap ze trinken
150r,6 daz er si âne allen schaden tranc .
150r,7 unde dô man in satzte in die bûten
150r,8 des wallenten ôles daz machete
150r,9 ime unser hêrre als sîeze daz ime
150r,10 was wie er in himeltouwe sæze
150r,11 daz ander daz sîn schônete daz was der
150r,12 tât . dem was er alsô sîeze daz er
150r,13 in nie beruorte mit enheiner

150v,1 bittericheit daz dritte dâ mite sîn
150v,2 unser hêrre schônete . daz was der gemeine
150v,3 vluoch der uns allen wart gegeben .
150v,4 also wir von erde sîn geschaffen
150v,5 alsô müezen wir ouch wider
150v,6 ze aschen werden . disem
150v,7 vluoche was sancte Johannes also sîeze
150v,8 daz er sîn alsô schônete daz wir lesen
150v,9 dô man sîn heiligen lîp suochte in
150v,10 den grabe daz man dâ niet vant
150v,11 wan himelbrôt . nû ist daz billich
150v,12 sît daz himelbrôt lac an sîner stat
150v,13 in dem grabe dâ sîn lîp solte ligen

151r,1 daz wir daz âne zwîvel gelouben
151r,2 daz ouch sîn lîp in dem himelrîche an
151r,3 himelbrôtes stat sîge . nû sulent
151r,4 ir ein dinc merken daz alle die
151r,5 heiligen die sîezes herzen wâr und
151r,6 minniclich lebten gegen den liuten .
151r,7 sô die erstürben daz dere sîezicheit
151r,8 iemer eteswie vile beleip in
151r,9 dem lîbe nâch ire tôde . unde
151r,10 dise heiligen die êret unse hêrre
151r,11 dâ mite daz siu alle wege liutsæliger
151r,12 sint gegen den liuten denne ander
151r,13 heiligen also der guote sancte Nikolaus

- 151v,1 der was alse milte unde alse süeze
151v,2 gegen gote unde gein den liuten .
151v,3 die wîle er lebete unde diu süezicheit
151v,4 beleip ime nâch sînen tôde
151v,5 alsô daz ôle von sîneme lîbe vliuzet ze
151v,6 einen zeichene sîner grôzen milticheit .
151v,7 unde dâ von ist er alle wege
151v,8 der êrste den man alle wege
151v,9 ane rüefet under den heiligen
151v,10 alsô liset man ouch von sancte Katherinen
151v,11 daz si süezes unde miltes
151v,12 herzen was . dâ von vliuzet ouch daz ôle
151v,13 von ire magetlîchem lîbe ze einen
- 152r,1 zeichene daz si uns milticlîche
152r,2 ze helfe wile komen . in allen unseren
152r,3 noeten . unde dâ von ist si alle
152r,4 wege diu êrste die man ane rüefet
152r,5 under den vrouwen . sît nû
152r,6 diz alse grôz ist daz von dirre heiligen
152r,7 lîbe . vliuzet daz ôle . sô ist daz
152r,8 vile grôzer . daz von dem steine der
152r,9 niuwan ruorte den lîp sancte Johannis
152r,10 daz von dem wehset himelbrôt
152r,11 daz süezer ist danne honic ze einem
152r,12 zeichene daz er der miltest
152r,13 unde der süezeste mennische was der
- 152v,1 ie ûf daz ertrîche getrat . daz sibent .
152v,2 ist dâ von der liebe sancte Johannes einem
152v,3 iegelîchen mennischen minniclich
152v,4 unde süeze muoz sîn . daz ist
152v,5 daz himelrîche unde alliu unseriu wünne
152v,6 in ime beslozen was . wenne
152v,7 was daz himelrîche in ime beslozen .
152v,8 daz was an dem sunnentage
152v,9 dô er verzücket wart unde sach in
152v,10 dem geiste unsern hêrren . unde unser vrouwen
152v,11 von himelrîche diu was gekroenet
152v,12 mit zweliv sternen unde
152v,13 was gekleidet mit der sunne
- 153r,1 unde was geschemelt mit dem
153r,2 mânen unde sach die engel unde die
153r,3 vier unde zweinzic alt hêrren stân
153r,4 vore dem trône gotes nû sulent ir niet
153r,5 wænen daz er diz sæhe an dem sunnentage

153r,6 der der ahtode tac ist .
 153r,7 ez was diu êwige sunne got selbe
 153r,8 der lûhte in sîne sêle unde in sîn herze
 153r,9 unde in dem liehte gap er im ze erkennen
 153r,10 daz apgründe der gotelîchen
 153r,11 wîsheit . unde offenete ime die himelischen
 153r,12 tougene . sît nû in disem
 153r,13 süezen unde minniclîchen heiligen .

153v,1 daz himelrîche unde alliu wünne beslozen
 153v,2 was sô mac ime got niht
 153v,3 verzîhen dâ von sulen wir in biten
 153v,4 daz er uns erwerbe umbe
 153v,5 unsern hêren daz wir niemer
 153v,6 von ime gescheiden werden
 153v,7 des helfe mir unde iu der vater
 153v,8 unde der sun unde der heilige geist .
 153v,9 âmen . dise predige tet uns
 153v,10 bruoder Hugoe der lesemeister
 153v,11 - - - - - .
 153v,12 iu ist allen wole kunt daz
 153v,13 man hiute eines heiligen tac

154r,1 begât der der wirdigest unde der
 154r,2 grôzeste heilige ist der ie geboren
 154r,3 wart ûf dem ertrîche . dô dirre
 154r,4 grôze heilige der guote sancte Johannes
 154r,5 baptiste geboren wart . dô vlugen diu
 154r,6 mære ûf daz gebirge in – unde
 154r,7 durh alliu diu lant . von den grôzen
 154r,8 wundern unde zeichnen diu ze sînere
 154r,9 gebürte geschâhen disiu wunder
 154r,10 nâmen die liute in ire herzen unde vrâgeten
 154r,11 einander unde sprâchen
 154r,12 - - - - - . “wer
 154r,13 wænent ir daz diz kint werden

154v,1 welle an des gebürte alsô grôziu
 154v,2 wunder unde zeichen geschehen
 154v,3 sint .” dirre vrâge wurden vier antwûrte
 154v,4 gegeben . die êrsten antwûrte
 154v,5 gap der hôhe engel Gabriêl unde
 154v,6 sprach . - - - - -
 154v,7 “diz kint wirdet vore gote grôz .” mit
 154v,8 disen Worten gît er uns urkûnde
 154v,9 die ûzgenomen heilicheit
 154v,10 sînes hôhen lebes . daz er hâte
 154v,11 ûf dem ertrîche vore allen mennischen

154v,12 unde ouch den grôzen unde ungemezzen
154v,13 lôn . den er in himelrîche entvangen

155r,1 hât vore allen heiligen
155r,2 die anderen antwûrte gap unser
155r,3 lieber hêrre selbe . unde sprach von
155r,4 ime diz ist der von dem der wîssage
155r,5 – sprach . – – –
155r,6 – – . – – . “ich sende mînen
155r,7 engel . der den wec vûre bereite
155r,8 vore mînen antlûtze” die dritten
155r,9 antwûrte die gap sîn vater – .
155r,10 unde wîssagte von ime unde
155r,11 sprach . – – – – .
155r,12 “dû wirst geheizt ein kint unde
155r,13 ein wîssage des oberesten .” die

155v,1 vierden antwûrte sprach er von
155v,2 ime selben . – – –
155v,3 – – . “ich bin ein stimme des ruofenten
155v,4 in der wüeste .” nû nemen
155v,5 wir die êrsten antwûrte des engels .
155v,6 der dâ sprach . “er ist grôz vore
155v,7 gote .” nû ahtet man eteslîchen mennischen
155v,8 grôz vore den liuten der doch
155v,9 gar kleine ist vore gote . anders
155v,10 ist ez umbe den lobelîchen hêrren
155v,11 sancte Johannes baptisten . wan unser hêrre
155v,12 von himelrîche hât in selbe gelobet
155v,13 unde geêrt . des vinden wir eine

156r,1 bîschaft in einen alten buoche von
156r,2 dem künige Assueus . der was alse
156r,3 rîche unde gewaltic daz er under ime hatte
156r,4 sibenu unde zweinzic unde hundert
156r,5 lande der vrâgete sîne wîsen râtgeben
156r,6 unde sprach . “wie sol man den
156r,7 êren den der küninc ûzgenomenlîche
156r,8 êren wile .” dô entwurten siu unde
156r,9 sprâchen . “man sol ime an legen diu
156r,10 küninclichen kleider . unde sol ime ûf
156r,11 sîn houbet setzen die küninclichen
156r,12 krône . unde sol in setzen ûf des küniges
156r,13 ros . unde sol in vûeren durh alliu diu

156v,1 lant . unde sol in setzen dem künige
156v,2 allernæhest . unde sol man sprechen
156v,3 alsus êret der küninc den er êren

156v,4 wile .” bî disem künige ist uns bediutet
156v,5 unser lieber hêrre von himelrîche .
156v,6 der hât ouch geêrt sînen
156v,7 ûzerwelten vriunt . den guoten sancte
156v,8 Johannes . nû liset man von unserm
156v,9 hêrren . daz im ane wurden geleit .
156v,10 drîer hande kleider . daz êrste daz
156v,11 was wîz daz ander pfelleîn . daz dritte
156v,12 daz was blutvar unde hiez – .
156v,13 disiu driu kleit hât ouch

157r,1 unser hêrre ane geleit dem lieben
157r,2 sancte Johannes daz wîze kleit bediutet
157r,3 die grôzen reinicheit di er ûzgenomenlîchen
157r,4 hâte vore allen mennischen .
157r,5 wan unser hêrre der behüetete
157r,6 in an sêle unde an lîbe daz er nie mâsen
157r,7 entvienc von decheiner slahte
157r,8 sünde kleiner noch grôzer . sîn herze
157r,9 daz behüetete er ouch alsô . daz er nie
157r,10 beruort wart mit decheinen üppigen
157r,11 gedanke . wan sînes herzes reinicheit
157r,12 hât in an got unde in daz himelrîche
157r,13 alsô geheftet . daz er in runt . drîzic .

157v,1 jâren von gote nie gewankte
157v,2 unde daz unser hêrre alle zît in sînen
157v,3 herzen wonete . sîne vûnv sinne wâren
157v,4 ouch alsô behüetet alle zît von der
157v,5 genâde unsers hêrren . daz in weder
157v,6 diu werelt noch enheiner slahte
157v,7 dinc daz ze der werelte hôrte niet
157v,8 beruorte . man liset von Josepch
157v,9 daz er gap sînen bruodern iegelîchem
157v,10 zwô stôlen . aber Benjamin
157v,11 der was sîn rehte bruoder unde was
157v,12 ime ouch allerliebest . den gap er
157v,13 . vûnv . stôlen unde drî hundert pfenninge .

158r,1 alsus tet ouch unser lieber
158r,2 hêrre von himelrîche dem guoten sancte
158r,3 Johannes . wan er sîn allerliebester
158r,4 vriunt was dâ von gap er ime
158r,5 ouch vûnv . stôlen ûzgenomen . unde
158r,6 driu hundert pfenninge . diu . êrst .
158r,7 stôle ist daz sîn name genomen
158r,8 wart in den himel alse unsers
158r,9 lieben hêrren . diu ander stôle ist

- 158r,10 daz sîn geburt gekündet wart
 158r,11 von dem selben engel sancte Gabriêl
 158r,12 der ouch die hôhen geburt
 158r,13 kunte unsers hêrren . diu . [3.] . stôle

 158v,1 ist daz er geheiligt wart in sîner
 158v,2 muoter lîbe . diu vierde stôle
 158v,3 ist daz er des heiligen geistes ervüllet
 158v,4 wart in sîner muoter lîbe .
 158v,5 dise vier stôlen entvienc
 158v,6 er ûf dem ertrîche . die vünften
 158v,7 hât er entvungen in dem himelrîche .
 158v,8 daz ist diu vröuwede der anegesiht
 158v,9 unsers hêrren unde diu geselleschaft
 158v,10 aller heiligen . Josepch der gap ouch
 158v,11 sînen brüedern driu hundert pfenninge .
 158v,12 dâ bî ist bediutet der drîvalte
 158v,13 lôn den sancte Johannes entvungen

 159r,1 hât in himelrîche . hundertvaltigen
 159r,2 lôn von sîner reinicheit
 159r,3 unde hundertvaltigen lôn von sîner
 159r,4 predige . wan er was der êrste predigær .
 159r,5 der dem süntær ie daz himelrîche
 159r,6 gehiez . dô er sprach . –
 159r,7 – – – . “riuwent iuwer sünde daz
 159r,8 himelrîche ist nâhe .” den dritten
 159r,9 hundertvaltigen lôn hât er entvungen
 159r,10 von sîner marter . wan
 159r,11 er was der êrste der sîn bluot ie
 159r,12 gôz durh got unde umbe die wârheit
 159r,13 in der niuwen êwe . daz ander

 159v,1 kleit daz unserm hêrren wart an
 159v,2 geleit . daz was pfellelîn . der
 159v,3 pfellel ist maniger hande varwe
 159v,4 unde bediutet die manicvaltigen
 159v,5 minne die der guote sancte Johannes
 159v,6 baptiste unserm hêrren erzeugte .
 159v,7 daz êrste zeichen der minne ist
 159v,8 daz er alliu dinc durh in lie . unde niut
 159v,9 kleine dinc . wan diu lât man lîhticlicher
 159v,10 danne grôziu . er lie daz grôze
 159v,11 vürstentuom ze Jerusalem unde manicvaltigen
 159v,12 rîchtuom den er von
 159v,13 sînem vater – solte hân

 160r,1 geerbet . sancte Pêter lie niet wan

160r,2 ein schif unde ein netze . unde sprach
 160r,3 doch . “hêrre wir haben alliu dinc
 160r,4 durh dich gelâzen . waz wilt dû uns
 160r,5 dâr umbe geben .” dô entwurte
 160r,6 ime unser hêrre unde sprach . swer
 160r,7 durh mich lât vater oder muoter
 160r,8 bruoder oder swester kint oder
 160r,9 wirtinne hûs oder houf acker oder
 160r,10 wise der sol hundertvalt al
 160r,11 vile entvâhen . unde daz êwige leben
 160r,12 in himelrîche besitzen . unde mit mir
 160r,13 rihten an dem jungesten tage .

160v,1 über diu zweliv geslehte . daz ander
 160v,2 zeichen der minne ist . daz er die
 160v,3 êre alle zît unserm hêrren gap . unde niut
 160v,4 ime selben . wan er was alse heiliger
 160v,5 wandelunge unde alse volkommenes
 160v,6 lebenes . daz man in dicke
 160v,7 vrâgete . ob er – wære . sô gap er
 160v,8 daz lop alle wege unserm hêrren . unde
 160v,9 sprach “nein ich . ich bin niet wirdic
 160v,10 daz ich ime sîne schuochriemen
 160v,11 entbinde .” dô sancte Johannes gevangen
 160v,12 lac in dem karkær . dô predigete unser
 160v,13 hêrre under dannen unde tet grôziu

161r,1 zeichen . unde volgete ime des lûtes
 161r,2 gar vile nâch daz müejete sancte Johannis
 161r,3 jungern . wan er hâte vile junger .
 161r,4 man liset in dem – daz sancte
 161r,5 Pêter unde sancte – unde sancte
 161r,6 – sancte Johannis junger wâren
 161r,7 ê daz si ze unserm hêrren kâmen .
 161r,8 unde dô sancte Johannes sach daz siu in al sêre
 161r,9 minneten vûre unsern hêrren . dô sante
 161r,10 er sîne jungern ze unserm hêrren unde
 161r,11 sprach . – – – – – Kriemhilt . “bist dû
 161r,12 der dâ kûmftic ist . oder beiten wir
 161r,13 eines andern .” dise vrâge tet sancte

161v,1 Johannes niet dâr umbe daz er an unserm
 161v,2 hêrren zwîvelte oder sîn niet erkante
 161v,3 wan er hât in . gekündet unde gezeiget
 161v,4 mit sînen vinger . dô er sprach
 161v,5 “– – – .” sunder er tet ez dâr
 161v,6 umbe . wan er wole wissete daz unsers
 161v,7 hêrren wandelunge alse heilic was

- 161v,8 unde sîniu wort als sîeze wâr unde
 161v,9 also kreftic swenne siu ze ime kâmen
 161v,10 daz ire minne gar von ime an
 161v,11 unsern hêrren gezogen wurde . alsô
 161v,12 gap er alle zît die êre unserm
 161v,13 hêrren . daz dritte zeichen der minne
- 162r,1 ist . daz er gienc von vater unde
 162r,2 von muoter . unde daz er mâtge unde geselleschaft
 162r,3 unde trôst aller der werelte
 162r,4 lie unde gienc in die wüeste daz er
 162r,5 sich behüeten mohte . vore tagelîchen
 162r,6 sünden . wan er was geheiligt
 162r,7 in sîner muoter lîbe . daz er houbetsünde
 162r,8 niet mohte getuon . tagelich
 162r,9 sünde hæte er wole getân dô vlôch er
 162r,10 in die wüeste daz er sich behüetete vore allen
 162r,11 kleinen unde liechten sünden unde
 162r,12 vore üppicheit dirre werelte von der
 162r,13 grôzen minne die er ze unserm
- 162v,1 hêrren hâte . daz dritte kleit daz unser
 162v,2 hêrre von himelrîche den grôzen hêrren
 162v,3 sancte Johannes baptisten hât ane geleit
 162v,4 daz was bluotvar . unde bediutet sîn
 162v,5 strengez leben daz er in der wüeste hâte
 162v,6 unde sîne grôzen marter . man liset
 162v,7 daz sîn gewant was von olbenden
 162v,8 hâre . unde daz er allez sîn leben mit strencheit
 162v,9 vertreip . daz im niht aleine genuogte
 162v,10 rûhes unde hertes gewandes . wir
 162v,11 lesen ouch daz sîn spîse was niet anders
 162v,12 wan wildez honic unde houwestaffel in
 162v,13 diz herte leben spranc er in sînen
- 163r,1 kintlîchen tagen . unde predîte unde
 163r,2 lêrte mit grôzem erneste . unde mit
 163r,3 sînen guoten bilede wîste er die liute
 163r,4 von ire unrehtem lebene . unde zeigete
 163r,5 in den wec der wârheit . wan
 163r,6 sîn herze was alle zît begiric die wârheit
 163r,7 ze predigen unde ze lêren die
 163r,8 liute . daz er den küninc also ernstlich
 163r,9 bestrâfete umbe daz unreht daz
 163r,10 er bî sînes bruoderes wirtinne saz . dâr
 163r,11 umbe wart ime diu vrouwe also vînt
 163r,12 daz si den küninc bat unde überwant
 163r,13 daz er den hôhen hêrren sancte Johannes

163v,1 hiez enthoubeten . alsus wart dem
163v,2 guoten sancte Johannes an geleit daz bluotvarwe
163v,3 kleit mit dem sigenumfte sîner
163v,4 marter . daz ander daz man dem
163v,5 tuon sol den der küninc êren wile daz
163v,6 ist . man sol ime ûf setzen die küninclîchen
163v,7 krône . man vindet geschriben
163v,8 daz der guote sancte Johannes êwangeliste
163v,9 ein vrouwen sach diu hâte ein krône
163v,10 ûf ire houbete mit zweliv sternen .
163v,11 ze gelîcher wîs hât ouch unser hêrre
163v,12 gekroenet sînen lieben unde ûzgenomen
163v,13 vriunt den hôhen hêrren sancte

164r,1 Johannes baptiste mit einer krône diu hâte
164r,2 ouch zweliv sternen . der . êrst . sterne
164r,3 ist daz er gekündet wart von einen
164r,4 engel . der ein vûrstengel was . wan
164r,5 der vûrstengel ambaht ist . daz siu nechein
164r,6 dinc kûdent noch werbent
164r,7 wan daz ein gemeine heil ist aller
164r,8 der werelte . aber die andern engel die
164r,9 unser pflegent . der wirbet iegelîcher
164r,10 des mennischen nuz aleine
164r,11 des er pfliget . der . zwêne . sterne ist .
164r,12 daz er den heiligen geist entvienc
164r,13 in sîner muoter lîbe . also volliclîchen

164v,1 unde also krefticlîchen also in die junger
164v,2 entviengen an den pfingesttage
164v,3 dô in unse liebiu vrouwe erwarp
164v,4 den heiligen geist mit ire gebete
164v,5 alsô daz siu vûre daz enhein houbetsûnde
164v,6 mahten getuon . unde also kreftic
164v,7 unde also starc wurden durh got ze lîden
164v,8 alliu dinc unde allez daz siu ane
164v,9 gienc . alsô wart ouch der guote
164v,10 sancte Johannes gesterket in sîner muoter
164v,11 lîbe . von dem înluzze der genâde
164v,12 des heiligen geistes wan er wart
164v,13 ervûllet des heiligen geistes . alsô

165r,1 daz er enhein houbetsûnde mohte
165r,2 getuon . unde daz er was ein lobelîcher
165r,3 voreloufær unsers hêrren in allem sînen
165r,4 lebene unz ûf daz ende . der
165r,5 [3.] . sterne ist . diu manicvaltigen

- 165r,6 wunder sîner gebürte . wan alse daz
 165r,7 ein grôz wunder was . daz ein maget
 165r,8 ein kint gebar . alsô was daz ouch ein
 165r,9 unmüglich dinc . daz –
 165r,10 sîn vater unde sancte Elisabet an ire
 165r,11 alter kâmen daz unmüglich was
 165r,12 daz ein kint von in geboren
 165r,13 würde . dô wart – gebet
- 165v,1 erhoeret . dâ von heizet er ein kint
 165v,2 des gebetes . von sîner gebürte beschâhen
 165v,3 wunderlîchiu zeichen an
 165v,4 sînen vater . wan er was ein stumbe
 165v,5 gewesen von der stunte daz ime
 165v,6 der engel kunte . daz ein heiligez kint
 165v,7 von in geboren solte werden . unz
 165v,8 an die stunte daz dem kinde der name
 165v,9 gegeben wart Johannes . Johannes diutet
 165v,10 sich alse vile alse gotes genâde . dô
 165v,11 wart der vater redente unde wart
 165v,12 wîssagende unde sprach . –
 165v,13 – – Isrâl . – – . der [4.] . sterne ist
- 166r,1 daz er ein anebetær was in sîner muoter
 166r,2 lîbe dô unseriu liebiu vrouwe sancte
 166r,3 – ire niftelen sancte Elisabet
 166r,4 gruozte . dô daz kint die stimme
 166r,5 erhôrte in sîner muoter . dô kniewete
 166r,6 ez nider in sîner muoter lîbe unde betete
 166r,7 an den . der dâ gegenwertic
 166r,8 was beslozen in unser lieben vrouwen
 166r,9 lîbe got unde mennische mit
 166r,10 wîsheit unde mit gewelte unde mit
 166r,11 aller sælicheit . unde an der stunte
 166r,12 dô wart sancte Elisabet ervüllet
 166r,13 mit dem heiligen geiste . unde wîssagte
- 166v,1 unde sprach . “– – –
 166v,2 –” unde sprach . “– – –
 166v,3 – – – .” “wâ wart ich
 166v,4 des ie wirdic daz mînes hêrren muoter
 166v,5 geruochte komen ze mir . wan
 166v,6 alse schiere dô diu stimme erschal in
 166v,7 mînen ôren . dô vröuwte sich mîn kint
 166v,8 unde spranc in mînen lîbe .” unde beleip
 166v,9 unse vrouwe bî ir unz an die stunte
 166v,10 daz sancte Johannes geboren wart .
 166v,11 der [5.] . sterne ist . daz unseriu liebiu

166v,12 vrouwe von himelrîche der êrste
166v,13 mennische was der sancte Johannes ie beruorte .

167r,1 wan si huop in ûf mit ire
167r,2 handen unde druhte in an ire herze .
167r,3 ach waz grôzer sælicheit unde genâde
167r,4 sancte Johannes dô entvienc von
167r,5 der heiligen berüerde unser lieben
167r,6 vrouwen . sît man liset . daz die liute
167r,7 sô sælic wâren die . die arke in ire
167r,8 hûse hâten . wie vile sæliger was
167r,9 dô sancte Johannes von der berüerde der
167r,10 werden muoter unsers hêrren in der
167r,11 dâ beslozen was . daz lebente himelbrôt
167r,12 unser hêrre – – wære
167r,13 got unde mennische . wan von einer

167v,1 iegelîcher wandelunge unde von einen
167v,2 iegelîchen worte unde von einen
167v,3 iegelîchen bîwesene unser lieben
167v,4 vrouwen entvienc er eine sunderlîche
167v,5 heilicheit unde sælicheit an
167v,6 sêle unde an lîbe . wan alle die si sâhen
167v,7 juden unde heidene die wurden
167v,8 gebezzert von ire heiliger wandelunge .
167v,9 der [6.] . sterne ist daz
167v,10 man sînen geburtlîchen tac begât
167v,11 in der heiligen kristenheit
167v,12 die êre unde die wirdicheit . hæte
167v,13 unser hêrre enheinen heiligen mê

168r,1 gegeben wan ime unde unser vrouwen .
168r,2 disen sternem hât er gemeine
168r,3 mit unser vrouwen der werden
168r,4 küniginne von himelrîche .
168r,5 der . [7.] . sterne ist . daz er was ein
168r,6 voreloufær unsers hêrren unde ein liuhtente
168r,7 lucerne diu unserm hêrren den
168r,8 wec vore entlûhte mit grôzen tugenden
168r,9 unde mit strengen lebene
168r,10 wan unser hêrre hât selbe von ime
168r,11 gesprochen . “er sol mir den wec
168r,12 bereiten vore mînen antlütze”
168r,13 der . ahtode . sterne ist den sancte Johannes

168v,1 in sîner krône treit . daz er was der
168v,2 êrste unde ein sunderlîche hoerær unser
168v,3 hêrren gotes worte . unde sprechent

- 168v,4 die heiligen daz unser hêrre ze ime
 168v,5 kam in die wüeste unde in dâ lêrte waz
 168v,6 er den liuten predîn solte . wan sancte
 168v,7 Johannes was also begiric unde bran sîn
 168v,8 herze also inhitziclichen von der minne
 168v,9 unsers hêrren wort ze hoeren
 168v,10 daz er unserme hêrren nâch gevolget
 168v,11 hæte ûz der wüeste unde niemer von
 168v,12 sîner sîten komen wære wan daz
 168v,13 ez von gote alsô geordenet was .
- 169r,1 daz unser hêrre êr niet predîn wolte .
 169r,2 êr sancte Johannes vore gepredîte . der
 169r,3 [9.] . sterne ist daz er unsers hêrren
 169r,4 toufær was . wan alsô schrîbet sancte
 169r,5 – in den – . daz unser
 169r,6 hêrre gienc ze dem Jordâne ze sancte
 169r,7 Johannes daz er von ime getoufet würde .
 169r,8 dô werte sich sancte Johannes unde
 169r,9 sprach . – – – – – . daz
 169r,10 spreche . “hêrre ich sol von dir getoufet
 169r,11 werden . unde kumes dû ze mir”
 169r,12 dô sprach unser hêrre . “daz lâ nû sîn .”
 169r,13 uns gezimet daz wir ervüllen
- 169v,1 alle rehticheit . an disem hôhen unde
 169v,2 heiligen werke widervuor sancte
 169v,3 Johannes diu genâde . diu nie enheineme
 169v,4 heiligen geschach . er hôrte des
 169v,5 vaters stimme . unde beruorte den sun
 169v,6 mit sînen handen . unde sach den heiligen
 169v,7 geist in einer tûben gelîchenissede .
 169v,8 der [10.] . sterne ist der in
 169v,9 sancte Johannis krône liuhtet daz er
 169v,10 der êrste predigær was . der unsern
 169v,11 hêrren ie gepredigete in der niuwen
 169v,12 êwe . alsô schrîbet von ime der grôze
 169v,13 hêrre sancte Johannes êwangeliste . in
- 170r,1 sînen – dô Johannes sach – komen
 170r,2 zuo im . dô zeigete er ûfen
 170r,3 in mit sînen vingern . unde sprach
 170r,4 ze den liuten . – – – – – . sehent
 170r,5 diz ist gotes lamp daz dâ nemen
 170r,6 sol ûf sich die sünde aller dirre werelte .
 170r,7 der [11.] . sterne ist . daz unser lieber
 170r,8 hêrre von himelrîche selbe von sancte
 170r,9 Johannes predigete . sît daz grôz was . daz

170r,10 sancte Johannes von unserme hêren predigete .
 170r,11 unde daz reht unde billich ist . daz
 170r,12 wir alle von im predigen sô was daz
 170r,13 vile grôzer . unde ist ein zeichen ûzgenomener

170v,1 sælicheit . daz unser hêre selbe
 170v,2 von sancte Johannes predite . wan
 170v,3 er sprach ze den liuten . “wen sâhent
 170v,4 ir in der wüeste . sâhent ir einen wîssagen .
 170v,5 jâ er ist mêre danne ein wîssage .”
 170v,6 unde sprach . – – – .
 170v,7 – – . “ir sâhent den grôzesten
 170v,8 mennischen der von muoter lîbe ie
 170v,9 geboren wart .” der . [12.] . sterne ist
 170v,10 sîn hôhez leben . daz alse heiliclîchen
 170v,11 lûhte vore den liuten daz man in dicke
 170v,12 vrâgete ob er – wære . dô
 170v,13 sprach er “– – – . ich en bin

171r,1 niet – – – . ich bin
 171r,2 ein stimme des ruofenten in der wüeste .”
 171r,3 er ist aber daz êwige wort des
 171r,4 vaters . “ich bin der ruofær . er ist der
 171r,5 rihtær ich bin der kneht er ist der
 171r,6 hêre . er ist der gemahel ich bin der
 171r,7 vriunt des gemaheln . ich bin der
 171r,8 morgensterne . er ist aber diu êwige
 171r,9 sunne . – – – . der
 171r,10 nâch mir komen ist . der was ie
 171r,11 vore mir . unde en bin ich niet wirdic
 171r,12 daz ich ime sîne schuochriemen
 171r,13 entbinde .” alsus was sancte

171v,1 Johannes ein lucerne diu bran von minne .
 171v,2 unde lûhte von tugenden durh alle
 171v,3 werelt . unde was ein ende der vinstere
 171v,4 in der alten . êwe . unde ein aneenge
 171v,5 des liehtes in der niuwen . êwe diz ist
 171v,6 diu küninclîche krône mit den
 171v,7 zweliv sternen . dâ mite unser hêre
 171v,8 gekroenet hât den guoten sancte
 171v,9 Johannes diu dritte wirdicheit die
 171v,10 man dem bieten sol . den der küninc
 171v,11 êren sol unde wile . daz ist . man sol
 171v,12 in setzen ûf des küninges ros . bî
 171v,13 disem rosse ist bediutet daz heilige

172r,1 evangelium daz die vier êwangelisten

172r,2 geschriben hânt . der iegelicher sunderlîchen
 172r,3 mære von ime geschriben
 172r,4 hât . danne von decheineme heiligen
 172r,5 alse ir hiute wole gehoeret hânt .
 172r,6 wie sancte – von sîner kündunge
 172r,7 unde von sîner gebürte geschriben
 172r,8 hât . unde sancte Matheus sancte –
 172r,9 unde sancte Johannes selbe von sînem
 172r,10 lebene unde von sînen tôde geschriben
 172r,11 hânt . ûf diz küninclîche ros hât
 172r,12 in diu gotelîche wîsheit gesetzet . unde
 172r,13 hât in gevüeret durh diu vier ende

172v,1 der werelte . unde hât sînen namen gebreitet
 172v,2 in aller der werelte . wan sîn
 172v,3 leben unde sîn histôrje ist niet getihtet
 172v,4 von decheinem mennischen ûf
 172v,5 dem ertrîche niht wan von dem
 172v,6 engel unde von unserm hêrren selben .
 172v,7 unde von den vier êwangelisten die
 172v,8 von ime geschriben hânt die heilicheit
 172v,9 sînes lebenes unde daz
 172v,10 lobelich ende sîner marter . diu
 172v,11 vierde êre die man dem bieten
 172v,12 sol den der küninc êren wile . daz
 172v,13 ist . er sol ûf dem gestüele sitzen

173r,1 dem künige allernæheste . nû geschihet
 173r,2 daz dicke hier ûf ertrîche . daz
 173r,3 ein swacher kneht dem künige nâher
 173r,4 ist . danne ein grâve . oder ein
 173r,5 ander grôz hêre . alsus ist ez niet umbe
 173r,6 den lieben hêrren sancte Johannes . wan
 173r,7 er ist unserm hêrren gote der nâheste
 173r,8 in dem himelrîche . von der gelîche
 173r,9 sînes lebenes unde von der sælicheit
 173r,10 sîner hôhen tugende . die an
 173r,11 ime liuhten mit strengem unde
 173r,12 mit hertem lebene . hier ûf dem
 173r,13 ertrîche . man liset von den patriarchen .

173v,1 daz siu kündeten hier vore in der
 173v,2 alten êwe . dâr umbe daz diu kint unserm
 173v,3 hêrren dieneten . aber der liebe
 173v,4 hêre sancte Johannes der hâte alle zît
 173v,5 dâr umbe stæten vlîz daz er unsern
 173v,6 hêrren vile geistlîcher kinde gewünne
 173v,7 wan unser hêre der hât hiute manic

173v,8 kint in himelrîche unde in ertrîche
173v,9 von der hôhen lêre des grôzen
173v,10 hêrren sancte Johannis . dâ von ist er
173v,11 erhoehet über alle die patriarchen .
173v,12 die prophêten wissagten unsers hêrren
173v,13 zuokumft . aber sancte Johannes der zeigete

174r,1 in gegenwertlich . unde kunte
174r,2 in daz er ein loesær solte werden aller
174r,3 dirre werelte . dâ von ist er hôher
174r,4 denne dechein prophête . er ist ouch hôher
174r,5 danne die zwelivboten . wan
174r,6 er was der êrste der ein biledær was
174r,7 ire strengen lebenes unde ire hôhen
174r,8 lêre . unde was ein licht daz in den
174r,9 wec zeigete der rehten wârheit .
174r,10 unde swaz wir guotes biledes unde gewærer
174r,11 lêre von den boten haben
174r,12 entvungen . daz hâte er in . êr . allez
174r,13 vore getragen . wan er was ein ortvrumær

174v,1 unde ein fundamÊnde alles
174v,2 ire lebenes . er ist ouch ob allen
174v,3 marterærn an wirdicheit unde an
174v,4 hôhem lebene . wan er was der
174v,5 êrste marterær der sîn bluot ie gegôz
174v,6 durh die wârheit in der heiligen
174v,7 kristenheit . wan er was ouch
174v,8 der êrste an dem diu scharpfen
174v,9 swert widerleit wurden . dâ von
174v,10 ist er der grôzeste unde der hôheste marterær
174v,11 in himelrîche . wan er leit in
174v,12 allen die marter vore . ir wizzet
174v,13 wole daz ein iegelich dinc deste

175r,1 liechter ist ze tuon . daz vore hin dicke
175r,2 geschehen ist . wan ein wec
175r,3 der dicke getriben ist . der ist guot
175r,4 ze gên . alsô ist ez ouch umbe die
175r,5 heiligen die sît die marter hânt
175r,6 geliten . den hât der liebe sancte Johannes
175r,7 diu scharpfen swert unde diu wassen
175r,8 mezzet an im selber widerleit
175r,9 dâ von mahten alle die heiligen
175r,10 marterær unde die heiligen megede
175r,11 also sancte Katherina unde sancte
175r,12 Agnes unde manic ander heilige .
175r,13 die die scherpfe der marter

- 175v,1 deste lîhticlicher lîten . dâ von ist
175v,2 er ob allen marterærn . er hât ouch
175v,3 den lôn ob allen lêrærn . wan er
175v,4 der êrste lêrær was der von dem
175v,5 himelrîche ie gepredîte . unde zôch
175v,6 die liute ze gote mit sîner heiliger
175v,7 predige unde mit dem guoten
175v,8 bilede sînes heiligen lebenes . dâ
175v,9 von wehset sîn lôn alle zît von
175v,10 in allen . er ist ouch ein bluome ob
175v,11 allen megeden von sîner ûzgenomen
175v,12 sælicheit unde reinicheit
175v,13 wan er der êrste was der
- 176r,1 unser vrouwen ie nâch gevolgete
176r,2 an lûter reinicheit sêle unde lîbes .
176r,3 nû hânt ir wole vernomen
176r,4 wie man den êren sol den der küninc
176r,5 êren wile . daz man ime an legen
176r,6 sol des küniges kleider . unde
176r,7 sol ime ûf setzen die küninclichen
176r,8 krône . unde sol in ûf des küniges
176r,9 ros setzen . unde sol in vüeren durh
176r,10 alle die werelt . unde sol dem künige
176r,11 allernæheste sitzen . alsus hât
176r,12 ouch unser hêrre von himelrîche sîn
176r,13 allerliebsten vriunt sancte Johannes
- 176v,1 baptiste geêrt mit aller wirdicheit
176v,2 unde hât in gesetzet ime selber
176v,3 allernæhest ane unser lieben
176v,4 vrouwen von himelrîche . die lât man
176v,5 ûz vore allen heiligen . nû solte
176v,6 man sagen was er wirdicheit
176v,7 hât entvungen von dem vater
176v,8 unde sælicheit von dem sune unde
176v,9 entliuhtinge von dem heiligen
176v,10 geiste . unde wie er die drîvalticheit
176v,11 niuzet iermêre âne ende
176v,12 daz kûnnen wir ze worten niet
176v,13 bringen . wir biten aber den
- 177r,1 minniclichen got unde den guoten
177r,2 sancte Johannes des tac hiute ist .
177r,3 daz er uns helfe . daz wir dâr komen
177r,4 dâ wir ez von ougen ze ougen
177r,5 sehen unde wir uns sîner sælicheit

177r,6 mit ime niezen êwicliche âne
177r,7 ende . des helfe mir unde iu der
177r,8 vater unde der sun unde der heilige
177r,9 geist . âmen âmen .